

ՀԵՂԱՓՈԽԱԿԱՆ ՇԱՐԺՈՒՄՆԵՐԻՆ ԱՐԵՎԵԼՑԱՆ ՀԱՅԱՍՏԱՆՈՒՄ 1905—1907 ԹՎԱԿԱՆՆԵՐԻՆ

1. ՀԵՂԱՓՈԽԱԿԱՆ ՇԱՐԺՈՒՄՆԵՐԸ ՀԱՅԱՍՏԱՆՈՒՄ 1905 Թ. ԳԱՐԱՆ-ԱՄՌԱՆ ԱՄԻՍՆԵՐԻՆ

1904 թ. սկսված ռուս-ճապոնական պատերազմն ավելի սրեց դարասկզբին բռնկված տնտեսական-քաղաքական ճգնաժամը՝ երկիրը կանգնեցնելով հեղափոխության շնախն։ Հաստնացող հեղափոխությունը լինելով իր բնույթով բուրժուա-դեմոկրատական, հետամուտ էր վերացնելու կիսաճորտատիրական հարաբերությունների մնացորդները, տապալելու միապետությունը և երկրում հաստատելու դեմոկրատական հանրապետություն։ Այդ նպատակի իրագործումը Ռուսաստանի բոլոր ժողովուրդների պայքարի զխավոր խնդիրն էր։ Սակայն տեղական ժողովուրդները սոցիալական կեղեքմանը զուգընթաց ենթարկվում էին նաև ազգային ճնշման։ Հայ ժողովուրդը ևս, որպես Ռուսական կայսրության ծայրամասերում ապրող ժողովուրդներից մեկը, 1905 թ. ոտքի կենելով ցարական բռնապետության դեմ, սոցիալական և ազգային-ազատագրական պայքար ծավալեց։ Այդ պայքարը ժողովրդական զանգվածները մղում էին իրավահավասարության, դեմոկրատական ազատությունների, ազգային ինքնորոշման և այլ իրավունքների ճանաչման համար։ Ազգային այդ շարժումը, որ դեմոկրատական պայքարի ճակատ էր հարդարել ցարիզմի դեմ, տակավին դարի արշալույսին, հեղափոխության ընթացքում լծորդվելով սիրող հասարակական կարգերը սոցիալական հեղաշրջման ենթարկելու պահանջին, միաձուլվեց բուրժուա-դեմոկրատական հեղափոխության ընդհանուր խնդիրներին։

Հեղափոխությունն սկսվեց 1905 թ. հունվարի 9-ին՝ Պետերբուրգում խաղաղ ցույցի դուրս եկած բանվորների զնդակոծությամբ, Ցարի այդ արյունահեղ դատաստանն արևկոծեց ողջ երկիրը։ Պետերբուրգում սկսված ընդհանուր գործադուլին արձագանքեցին Մոսկվայում, երկրի արդյունաբերական շրջաններում, ինչպես նաև լեհաստանում, Մերձբալթիան երկրներում, Անդրկովկասում։

Հունվարի 18-ին գործադուլ հայտարարեցին Թիֆլիսի երկաթուղային արհեստանոցների, ծխախոտի ֆաբրիկաների և տպարանների բանվորները։ Հունվար-փետրվար ամիսներին գործադուլներ ու ցույցեր տեղի ունեցան նաև Բաքվում։ Փետրվարի վերջին, մարտի սկզբներին գործադուլային շարժումներին

մեջ ընդգրկվեց նաև Հայաստանը, Մարտի 5-ին Ալավերդու արհեստանոցների մի խումբ բանվորներ աշխատանքի շնորհայացան՝ պահանջելով բարելավել իրենց տնտեսական և կենցաղային պայմանները, Սակայն բանվորների պահանջը հաշվի չառնվեց:

Մի քանի օր անց, բանվորների մի ստվար խումբ՝ հիմնականում հանքագործներ, գործադուլ Հայտարարեցին, Գործադուլը, որին հենց առաջին օրը մասնակցում էր մոտ 1000 մարդ, ընդհատումներով տևեց 12 օր: Հանկարծակիի գալով հանքագործների միահամուռ ելույթներից, «Կոմկասյան արդյունաբերական և մետաղագործական ընկերություն» Ալավերդու հանքերի և գործարանների գիրկետոր Պոլմարը նախ փորձեց խաբելությամբ ջլատել շարժումը, ապա ահաբեկման, սպառնալիքների ու բռնությունների միջոցով ձախողել այն¹: Պոլմարի հրավերով Ալավերդի ժամանեցին կազակային մեկ հարյուրակ, գավառական իշխանության ներկայացուցիչները և Թիֆլիսի պարսկական հյուպատոսի բարտուղարը: Վերջինս եկել էր մշտական և սեզոնային աշխատանք կատարող պարսկահայտակ բանվորներին (որոնք մասնակցում էին գործադուլին) հորդորելու ետ կանգնել «իրենց երկրին շվերաբերող և ալլահին անհաճո գործերից»: Սակայն ոչ նրա ջանքերը, ոչ էլ գավառապետի սպառնալիքներն ու կազակների ներկայությունը հանքագործներին չհամոզեցին և Վախեցրին: Ընդհակառակը, դիմազրավելով նրանց՝ բանվորները մարտի 20-ի գործադուլն ավարտեցին իրենց օգտին²:

Ապրիլի սկզբներին Անդրկովկասում սկսվեց երկաթուղային բանվորների ընդհանուր գործադուլը, որին ակտիվ մասնակցություն ցույց տվեցին Ալեքսանդրապոլի երկաթուղայինները: Ապրիլ ամսին գործադուլներ տեղի ունեցան նաև Նրևանում, ոտքի կանգնեցին Սարաջևի կոնյակի, Շուստովի գինուկոնյակի գործարանների բանվորները և բաղաբի հյուրանոցների, ակումբների ու ճաշարանների ծառայողները: Նրանց պահանջները հիմնականում աշխատավարձի ավելացման, բանվորական կայուն օր սահմանելու և բանվորների աշխատանքի ընդունելու պայմանների մասին էին: Գործադուլը, որ տևեց երկու շաբաթ, վերջացավ առաջադրված պահանջների մասնակի բավարարումով:

Մայիս ամսին և ամառվա ընթացքում ինչպես ամբողջ երկրում, այնպես էլ Անդրկովկասում, հեղափոխական շարժումները գնալով խորանում էին: Բաբելում մայիսի մեկը նշանավորվեց քաղաքական հզոր ցույցով: Մայիսի հենց սկզբին Անդրկովկասում դարձյալ երկաթուղայինների գործադուլ բռնկվեց, որը տարածվեց երկրամասի հիմնական հանգույցներում և ուղեմասերում, Վրաստանում մայիս-հունիս ամիսներին տեղի ունեցան բազմաթիվ ցույցեր, ընդհարումներ ոստիկանության և զորքի հետ:

Հայաստանի աշխատավորությունը ևս այդ ամիսներին մի շարք ելույթներով արձագանքեց Ռուսաստանի, Ազրբեջանի և Վրաստանի պրոլետարիտի և գյուղացիության հեղափոխական պայքարին: Ալավերդում բանվորները դուրս եկան մայիսմեկյան ցույցի, որը կազմակերպել էին բոլշևիկները՝ Ստ. Շա-

¹ Տե՛ս «Революционное движение в Армении, 1905—1907. (Сборник материалов и документов)», Ереван, 1955, стр. 111—115; այսուհետև՝ «Революционное движение...» (Сборник).

² Տե՛ս ՎՍՍՀ ԿՊՊԱ, ֆ. 34, գ. 1046, ք. 83—88.

³ Տե՛ս ՄԼԻ-ի Հայկական մասնահյուղի արխիվ, ֆ. 53, գ. 167:

հումանի գլխավորությամբ, նա ՌՍԴԲԿ Կովկասյան միութենական կոմիտեի հանձնարարությամբ շրջագայում էր Լոռիում, տեղերում կազմակերպում ու ամրապնդում էր բոլշևիկյան բռնիքները և նշում հեղափոխական պայքարի այն խնդիրները, որ կուսակցությունը դնում էր բանվորների և գյուղացիների առջև⁴։

Բանվորական գործադուլներն իրենց ազդեցությունն ունեցան գյուղի վրա։ Գարնանը ծայր առան գյուղացիական շարժումները, որոնք ուժեղ էին հատկապես կայսրության կենտրոնական շրջաններում, ինչպես նաև Անդրկովկասում։ Սոցիալ-դեմոկրատական կոմիտեները գյուղացիներին ուղղեցին բաղձաթիվ կոչերու։ Մի շարք գավառներում նրանց օգնությամբ ստեղծվեցին նաև գյուղացիական կոմիտեներու։ Ցարական կառավարությունը չհապաղեց պատժիչ զորամասեր ուղարկել գավառները։ Զորքն ու կադակները գեղակահաճում, ձերբակալում, ծեծում ու խուշտանգում էին պայքարի ելած գյուղացիներին։

ՌՍԴԲԿ Կովկասյան միութենական կոմիտեն, որ ղեկավարում էր գյուղացիական ելույթները, միջոցներ ձեռնարկեց հեղափոխական շարժումներն ամբողջ Անդրկովկասում տարածելու համար։ Մարտի 19-ին հրապարակվեց Կովկասյան միութենական կոմիտեի՝ «Հայ գյուղացիներին» կոչը, որը խնդր էր դնում Հայաստանի աշխատավոր գյուղացիության առջև միանալ ռուս և վրացի բանվորների ու գյուղացիների պայքարին։ Կոչն առաջադրում էր նաև գյուղացիության շահերը պաշտպանող 12 պահանջ, այդ թվում հողակտորների վերադարձ, ձրի ուսուցում, 300 ռուբլուց պակաս եկամուտ ունեցող տնտեսությունների հարկերի վերացում և այլն։ Սակայն այդ բոլորին հասնելու համար, ասված էր կոչում, հարկավոր է ոտքի ելնել և ջախջախել ցարին ու նրա կառավարությանը⁵։

Գարնանը Հայաստանի մի շարք վայրերում և հատկապես Լոռիում, տեղի ունեցան գյուղացիական ելույթներ։ Մարտի 4-ին Կարակալայի արքունական կալվածքների կառավարիչը գրություն ուղարկեց Կովկասյան արքունական կալվածքների վարչությանը Ալեքսանդրապոլի գավառի Շորագյալ գյուղի բնակիչներին՝ կալվածքի վրա հարձակվելու և այն բռնազրավելու մտադրության մասին⁶։ Ապրիլին դինված ընդհանրում էր տեղի ունեցել Ղաչաղան գյուղի բնակիչների և Լոռիի կալվածատեր-վաշխառու Վասիլ Մոսիսյանի պահնորդների միջև՝ «Օղոմսի» կոչված հանդամասի համար։ Ապրիլ-հունիս ամիսներին գյուղացիական ելույթներ տեղի ունեցան նաև Հայաստանի այլ վայրերում։ Դրանք արտահայտվում էին պետական ու կալվածատիրական հարկերը չվճարելու, հողը բռնազրավելու, անտառները մասսայաբար կտրատելու և բազմաթիվ այլ ձևերով։

Սակայն, ինչպես ամբողջ երկրում, այնպես էլ Անդրկովկասում, գյուղացիական շարժումները դեռ նոր էին ծավալվում։ Հայաստանում գյուղացիական շարժումները նոր թափով բռնկվեցին 1905 թ. ամռան-աշնան ամիսներին։ ՌՍԴԲԿ Կովկասյան միությունը կազմակերպչական աշխատանքներին զուգընթաց, Հայաստանում տարածում էր անլեգալ գրականություն՝ թերթեր, կո-

4 Տե՛ս նույն տեղում, ֆ. 40, գ. 5։

5 Տե՛ս «Листовки Кавказского Союза РСДРП 1903—1905», М., 1955, стр. 293—294. չեր, պրոկլամացիաներ։ Հենց այդ ժամանակ էլ հրապարակվեց Թիֆլիսի կո-

6 Տե՛ս «Революционное движение...» (Сборник), стр. 253—255

միտերի նշանավոր կոչը՝ «Բորչալուի գյուղացիներին», Այդ կոչում գյուղացիներին բացատրվում էր, որ նրանց բոլոր թշվառությունների պատճառը ցարիզմն է, որը իրեն փրկելու, ժողովրդի ուժերը ջլատելու համար հրահրում էր ազգային ընդհանրում և հրեական շարժերու Կոչում նշվում էր, որ կառավարությանն օգնում են դաշնակցականները, որոք իրենց «կոմիտեներին» միջոցով ստիպում են վճարել պետական և կալվածատիրական հարկերը, իսկ քաղաքներում ճնշում են բանվորական գործադուլները: Դիմագրություն, զինված պայքարի մղելով գյուղացիներին, Թիֆլիսի կոմիտեն առաջարկում էր երես դարձնել նաև «ազգի շահերին» կնդծ պաշտպաններին, միանալ բանվորներին և համախմբվելով սոցիալ-դեմոկրատիայի շուրջը, տապալել բոլոր շահագործողներին լուծել⁷:

Մի շարք վայրերում գյուղացիական հուզումները վերածվեցին զինված ելույթներին: Լոռու գյուղերից Հաղպատը, որ տակավին երկու տարի առաջ էր ոտքի կանգնել, նորից պայքարի էր ելել: 1905 թ. հուլիսի 16-ին Հաղպատի գյուղացիները զինված հարձակում կազմակերպեցին կալվածատեր Բարաթովի վրա: Նա սարսափահար հեռագրեց Թիֆլիսի նահանգապետին, որն անմիջապես կարգադրեց Բորչալուի գավառապետին՝ երկու պահնորդ նշանակել Բարաթովին անվտանգությունն ապահովելու համար: Մի շարքից անց ելույթ ունեցան ղուռնուկցիները, որոնց նույնպես Բարաթովը կապալով էր տալիս իր հողերը: Կալվածատերը կրկին դիմեց նահանգապետին և ցարական իշխանությունները շտապեցին օգնության հասնել:

Հուզումներով էին բռնված Հայաստանի նաև աղբրեջանական գյուղերը: 1905 թ. նոյեմբերին աղբրեջանցի կալվածատերերը ցարական իշխանություններին ուղղված դիմումներում նրանց ուշադրությունն էին հրավիրում իրենց «ժքբախտ վիճակի» վրա և նշում, որ հայ կալվածատերերի հետ միասին հավասարապես տուժել են նաև իրենք:

1905 թ. նոյեմբերին Կովկասի ոստիկանության պետի՝ փոխարքային տված ղեկուցագրում նշվում էր, որ ագրարային շարժումը ծայր էր առել նաև Կարսի մարզում. դրա պատճառները շատ էին և բազմազան, բայց հիմնականը՝ գյուղացիների սակավահողությունն ու տարեցտարի ավելացող հարկերն էին: Չնայած մարզում ընշազուրկ և սակավահող գյուղացիական տնտեսությունների մեծ քանակությանը, հողագործության և պետական զույրի վարչությունն իր տրամադրության տակ եղած հողերն ու արտոտվայրերը վարձակալության էր տալիս ոչ թե տեղացիներին, այլ ուրիշ վայրերից եկող հարուստ անասնատերերին և կապալառուներին, որոնք իրենց հերթին հողերի մի մասը բարձր վարձագնով հանձնում էին տեղացիներին: Ինչ վերաբերում էր պետական հարկերին, ապա զրանք, նշված էր ղեկուցագրում, 1901 թ. համեմատությամբ ավելանալով երեք անգամ, «աճելու էին զրույթի» էին դրել գյուղացիներին, քայքայման հասցնելով նրանց⁸:

Դժգոհությունն արտահայտվում էր նաև Հայաստանում բնակվող ռուս վերաբնակիչների մոտ:

Ընդհանուր հեղափոխական իրավիճակը շարժման մեջ դրեց կովկասյան տիրապետող դասակարգերին: 1905 թ. գարնանից տեղական մամուլը սկսեց

7 Տե՛ս նույն տեղում, էջ 236—238:

8 Տե՛ս նույն տեղում, էջ 363—364:

աշխուժորեն քննարկել «Ռուսաստանի ներքին կյանքը նոր հիմքերի վրա վերականգնեցնելու» հարցը: Օգտագործելով ստեղծված իրադրությունը, իր իրավունքների ազդարարությամբ կռվկասում առաջինը հանդես եկավ վրաց ազնվականությունը, 1905 թ. փետրվարի 19-ին Քութայիսի նահանգի ազնվականության պարագլուխ իշխան Մերեթելին ներքին գործերի մինիստրին ներկայացրեց մի հուշագիր, որի բուն ոգին վրաց ազնվականության արտոնությունները ուսական ավատական դասակարգի իրավունքներին հավասարեցնելու պահանջն էր⁹: Հուշագիրը միաժամանակ պարունակում էր մի շարք «համազային պահանջներ», որոնց առաջնորդումը, հարկավ, չէր շոշափում իրենց դասակարգային տիրապետության հարցը: Այսպիսի պահանջներից էին զեմստովներ մտցնելու, մամուլի ազատության, տարրական դպրոցները վրացալեզու դարձնելու, բաղաքային ինքնավարության բարենորոգման և այլ հարցեր:

Հայ իրականության մեջ տիրապետող դասակարգը բուրժուազիան էր, որը լծորդված իր ավագ գործընկեր ուսական բուրժուազիային և ընդօրինակելով նրան, պահանջում էր միայն տնտեսական գործունեության ավելի լայն հնաժամօրոգություններ և համապատասխանորեն՝ ղեմնկրատական ազատություններ: Ապազգայնացած իր հիմնական՝ տնտեսական-շուկայական շահերով և ըստ էության քաղաքականապես անտարբեր ողջակիզվող արևմտահայության ճակատագրի նկատմամբ, հայ խոշոր բուրժուազիան «ազգային» էր միայն իր ծագումով: Մի փոքր այլ էր հայ բուրժուական մտավորականության վերաբերմունքը: Հանդիսանալով իր հարազատ դասակարգի հոգեզավակը, արտահայտելով նրա շահերը և երբեք չհակադրվելով իրեն ծնող միջավայրին, այդ մտավորականությունը, այնուամենայնիվ, հարաբերական որոշ անկախություն ուներ և ազդվելով ժամանակի հասարակական-քաղաքական շարժումներից, եթե ոչ գործով, գոնե խոսքով, «ազատամիտ» և «ազգային» գաղափարներ էր առաջադրում:

Այսպես, 1905 թ. մարտին Երևանի քաղաքային դումայի կողմից ընդհանուր տարածում գտած լիբերալ-բուրժուական տրամադրություններից բխող մի խնդրագիր կազմվեց՝ ուղղված մինիստրների խորհրդին և կռվկասյան փոխարքային:

Ապրիլի սկզբներին Երևանի ազրբեջանական վերնախավերը ևս հանրագիր ներկայացրեցին կռվկասյան իշխանություններին: Շատ քիչ բան ասելով ղեմնկրատական ընդհանուր բարեփոխություններ մտցնելու անհրաժեշտության մասին, հանրագրի հեղինակները ծանրանում էին ունեոր դասակարգերի արտոնությունների ընդարձակման և նոր իրավունքներ ձեռք բերելու հարցի վրա: Նրանց հիմնական պահանջը, որ ուղղակի աղնվական հողատերերի շահերն էին արտահայտում, նախկին բնական հանձնաժողովի աշխատանքների վերաքննությունն էր՝ «մահմեդական բարձր դասի իրավունքները հաստատելու համար»¹⁰:

Համակռվկասյան հայ բուրժուազիայի պահանջները ձևակերպվեցին 1905 թ. ապրիլի 3—15-ը Քիֆլիսում կայացած հայաբնակ քանչորս կենտրոնների

⁹ *Տե՛ս* «Революция 1905—1907 гг. в национальных районах России (Сборник статей)»; Г. В. Хачатурядзе, Революция 1905—1907 гг. в Грузии, М., 1955, стр. 492.

¹⁰ «Մշակ», 1905, № 64:

ներկայացուցիչների ժողովում, որը ժամանակին նույնիսկ համարվել է աշխարհական գործերի քննարկմանը նվիրված հայկական առաջին համագումար:

Այս համաժողովին մասնակցեցին կովկասահայ բուրժուական մտավորականության համարյա բոլոր խմբերի ներկայացուցիչները՝ Երևանի նահանգից՝ Ս. Տիգրանյանը, Հ. Սաղաթեկյանը, Ալեքսանդրապոլից՝ Հ. Տեր-Միրաքյանը, Նախիչևանի գավառից՝ Լ. Սարգսյանը, Շուշուց՝ Ա. Մեխիբ-Աղամյանը, Թիֆլիսից՝ Ա. Բեյրությանը, Պ. Ղամբարյանը, Տ. Հովհաննիսյանը, Ա. Քալանթարը, Հ. Սպենդիարյանը, Կ. Ստեփանյանը, Ա. Խատիսյանը, Բաքվից՝ Ս. Հարությունյանը, Կ. Խատիսյանը և ուրիշներ¹¹:

Ինչպես Երևանի հանրագրի, այնպես էլ Թիֆլիսի համաժողովի պահանջները հիմնականում շոշափում էին հետևյալ խումբ հարցերը.

Առաջին. ընդհանուր քաղաքական պահանջներ՝ սահմանադիր ժողովի գումարում, մամուլի, խոսքի, ժողովների, խզճի, դավանանքի ազատություն, զինվորական դրության ու զինվորական դատարանների և դասային առանձնաշնորհումների վերացում, Կովկասում զեմստովային հիմնարկությունների հաստատում, կանանց և տղամարդկանց իրավունքների հավասարեցում և այլն:

Երկրորդ՝ բանվորների և գյուղացիների դրության բարելավման պահանջներ՝ ութժամյա աշխատանքային օր, գործադուլների իրավունք, պետական ապահովագրություն, օրավարձի միևիմուծի սահմանում, հողի ազգայնացում, արքունական տուրքի վերացում, մուքաղաքական և ժամանակավոր-պարտավորյալ գյուղացիների հողաբաժինների ետգնում՝ զանձարանի աջակցությամբ, հողադուրկ ու սակավահող գյուղացիների բնակության հաստատումը արքունական հողերի վրա և այլն:

Երրորդ՝ հայկական բարեգործական ընկերությունների, եկեղեցական-ժխական դպրոցների, մշակութային-կրթական հիմնարկությունների վերաբառման պահանջ և հատկապես հայոց եկեղեցու ինքնավարության, և այն արտոնությունների վերահաստատումը, որ ունեցել էր նա Հայաստանը Ռուսաստանին միանալուց ի վեր:

Մի պահ այս պահանջները շատ արմատական, նույնիսկ հեղափոխական կարող են թվալ: Իրականում դրանք արտահայտում էին հայ ունեռ դասակարգերի տնտեսական շահերը և նրանց մտավորականության լիբերալ բաղձանքները:

Չնչին տարբերությամբ վերոհիշյալ բոլոր հանրագրերն էլ հիմնական գծերով կրկնում էին միմյանց և ունեին միևնույն ղեկարատիվ բնույթը: Առաջադրվող ընդհանուր ղեմնկրատական պահանջները, այդ թվում ազգային-կրոնական խնդիրներին հարուցումը, տուրք էին միայն ժամանակի հեղափոխիչ ոգուն, քանզի դրանց իրականացման համար ոչ մի ունեալ միջոց չէր նախատեսվում: Այդ բոլոր պահանջների իրագործումը ենթադրվում էր միապետության պահպանության պայմաններում: Իսկ եթե բուրժուական որոշ շրջաններ էլ խոսում էին միապետության տապալման անհրաժեշտության մասին, ապա հաստատվելիք իշխանությունը պատկերացնում էին միայն և միայն որպես կապիտալի տիրապետություն՝ բուրժուական հասարակական հարաբերությունների հաղթանակ:

¹¹ Տե՛ս «Մշակ», 1905, № 109.